

程魚門先生詩贈我藝林久矣顧全集未經梓行海內調者  
以爲缺憾嘉慶丁丑橫移守西安適先生嗣子渝以貳印大  
關中相見亟詢其遺稿瀚泣然曰藏之篋笥不敢示人以別無  
副本懼散佚也橫迺首創捐貲謀付剞劂助佽者爲對觀察濟  
吳大令鳴提校勘者爲王大令餘晉程大令開泰王大令履基  
吳大令曾貫十二月開雕越歲而藏事編詩二十四卷始乾隆  
壬戌終壬辰編年分卷悉仍先生手定稿本惟追

御詩別爲首卷又聯句詩已刻于朱箇河曹習菴諸先生集中  
遂不重刻擬別爲二卷仿李漢編昌黎詩例也又續集五卷皆  
瀚於斷縑殘素中鱗次蒐輯無作詩年月亦未編入稍閒當再  
圖續刊楨因之有感焉方先生盛時縞紵滿區宇敦槃推壇坫  
宜可自壽梨棗迺沖抑秘不問世且先生爲隨園先生之老友

筭河先生之高弟其歿于秦中也秋帆尚書以數千金經紀其喪恤其諸孤之三先生者皆嘯氣成虹揮金若土似無難謀梓其遺集者乃遲至三十年而全集始克行世非文章顯晦信有時歟刻成爲志其緣起如此館後學鄧廷楨謹叙

原叙

余遊汴梁之七年長子本忠攜程君魚門詩來且述魚門之意謂嘗見余之詩而必欲得余文以爲之序外此不多請也余讀其詩者累月其出入上下於古而不專爲一家之學蓋所爲篤嗜乎此積久而以時獲之者凡遊歷所至輒有作而於友朋辭誼尤深余雖未得識其面然四方知名之士識之者皆曰魚門古人也故其文爲古人之文而其詩古人之詩也魚門久不遇以乾隆二十七年得

名試爲中書舍人余二子與訂交於京師每相見則覩以學問或二子來汴余家事瑣瑣必時詢及慮每公車北上所得於魚門者必數數爲余言謂二十年以前之交其敦古誼者皆魚門友也二十年以後之交則如魚門無幾人焉自桐城方望溪先

生以古人之道作爲古文繼韓歐而代起公之發前二十年之間而世罕有傳其學者魚門獨深信而恪守之此余心懾魚門之文以爲於望溪先生之學有當也若以余之於詩則知其未至而愧者多矣而魚門必以余之言爲是乎余無言無以見魚門之意而遽言之又恐無當於其詩也異日至京師相見時必有暢然其言之者非余助魚門則魚門其有以發我矣乾隆丙戌季秋昌平陳浩

皇清誥授奉政大夫翰林院編修加四級嚴園程君墓誌銘并序

賜進士出身日講起居注官詹事府詹事兼翰林院侍讀學士翁方綱撰  
昔方望溪爲李剛主志墓於習齋崑繩諸人詆訶程朱之非痛  
切言之虞道圓所爲慨然於魯國許公以表章程朱爲已任也  
新安程君少以文名江南乾隆壬午始官京師予與接席賦詩  
目爲淹雅者流耳後十年予自粵東歸始與深交往復廝切者  
十有二年嘗歎其博綜經史詩文撰述皆所易幾而獨其篤守  
程朱爲後學所宜矜式也君束髮時讀蕺山劉念臺人譖見其  
論守身事親大節輒心慕之故以蕺園自號其後綜覽百家出  
入貫拂於漢宋諸儒之說未始不以程朱爲職志也著正學論  
七篇反復於體用博約之際嘗與友人書謂朱儒講太極河洛  
至大麻衣希夷之說又以鄭衛爲淫詩其它小誤處間亦有之

大者止如是至於天道人紀節心制行務爲有用之學百世師之可也古人一飲一食必祭先嗇先農示不忘太吾儕被服儒素亦思其源安在而敢自異乎君治經之功與年俱進著周易知旨編三十卷尚書今文釋義四十卷尚書古文解略六卷詩毛鄭異同考十卷春秋左傳翼疏三十二卷禮記集釋二十卷諸經答問十二卷羣書題跋六卷又所爲詩四十四卷文十六卷桂宦書目二卷桂宦者君讀書室名君家素儕於財自少至壯積書三萬餘卷中年已後家落而書亦稍散失矣君先世系出周大司馬伯休父封子程以國爲氏西晉末以宦遷新安君之高祖自歙遷揚以鹽筴起家君早失怙恃中遭逋負然家故業商兄弟三人接屋而居食口百人延接賓客讌集無虛日君好學工詩及見江淮老宿一時若無錫顧震滄華半江宜興儲

若坡松江沈沃田諸君子咸與上下其緒論然屢躡於場屋肆業國學南遊金陵愛栖霞牛首之勝憑眺山川攷證今古所至領其坐人歲壬午應

召試列第一授內閣中書乃悉棄產償宿逋攜家北上辛卯成進士授吏部主事癸巳歲

高宗純皇帝允廷臣之請

特開四庫全書館妙選淹通碩彥俾司修纂君與其列旋以館閣諸公校覈訛錯皆踵薄譴獨君所手輯毫髮無疵書成奏進純皇帝素稔君才仰荷

特達之知改授編修

本朝自新城王文簡公以部曹改官翰林而後詞林掌故不復多覲洵異數也君遇益隆學益進家益貧然其豪氣直擊發於

天性嗜書籍若飢渴視朋友如性命救人之患周人之急猶不  
減其家全盛時也君詩善言情纏綿往復於家世盛衰儕偶聚  
散娓娓數百言燃燭拈髭俯仰今昔而君亦垂老矣君故苦未  
疾然常有山水之思欲遊河洛關陝歸老江寧下一塗以畢志  
癸卯秋請假出都由中州歷太華抵關中而疾不起中丞畢公  
爲經紀其喪撫其孤南歸獲安厝于江寧中丞之篤於友誼爲  
士林所共感而君之夙行信於朋友卽此可知矣君諱晉芳初  
名廷鏞字魚門內閣中書協辦侍讀事充方略館纂修官吏部  
驗封司兼文選司主事

特旨改授翰林院編修加四級

詔授奉政大夫

文淵閣校理充

四庫全書纂修官

武英殿分校官庚子科會試同考官生於康熙五十七年十月二十四日卒於乾隆四十九年六月二十一日享年六十有七配蕭宜人繼配汪宜人有壹德俱先卒子二人一瀚一灝銘曰昔賢所闡緒在七閭君籍新安力學維醇疾彼卒博而背其真窮經致用修詞輔仁有粹其實有斐其文博極萬卷不忘本根江水滔滔鍾山嶮峻石室之靈封詞林學人

翰林院編修程君魚門墓誌銘

並序

賜進士出身授翰林院江蘇江寧縣知縣前翰林院庶吉士鴻臚博學鴻詞製義校課  
乾隆甲辰秋魚門之喪歸自秦中乙巳十二月二日葬于金陵  
之馮家山其老友袁枚哭且奠爲銘其墓曰君程姓名晉芳字  
魚門一字載園先爲程伯休父之後祖居新安治鹽于淮父遷  
益生子三人長原衡季述先君其仲也乾隆初兩淮殷富程氏  
尤豪侈多畜聲色狗馬君獨愔愔好儒罄其貲購書五萬卷招  
致方聞綴學之士與共討論海內之略識字能握筆者俱走下  
風如龍魚之趨大壑君不能無用世心屢試南閩不第試京兆  
不第丁何鹽務日折閱而君舟車僕從覓學溫卷之費頗不貲  
家漸中落年已四十餘癸未

天子南巡君獻賦

名試行在賦江漢朝宗詩四章

天子嘉之拔第一賜中書舍人再舉進士改吏部文選司未幾  
天子開四庫館諸大臣舉君爲纂修議敘授翰林院編修分校  
禮闈得士若干君號于學見長几潤案輒心開鋪卷其上百事  
不理又好周戚友求者應不求者或強施之付會計于家奴任  
盜侵了不勘詰以故雖有俸有佽助如沃雪墳海負券山積勢  
不能支乞假赴陝將謀之中丞畢公爲歸老計時酷暑索逋者  
呼噪隨之君已衰老乘弇棧車行烈日中頓撼失食飲節又聞  
西陲兵起氣甚惡不能無憚遂病至中丞署中一月死年六十  
七嗚呼君交滿海內而與余尤暱未乞假先致書托窀穸余喜  
甚謂老可不孤擬某十將向君薦某處將與君遊某文字將待  
君決可否部署暗定遲君之來不料在嶺南孫中丞補山告君

死時方色食驚泣至失匕箸歸舟網罔行五六千里不能釋君于懷念君重仁與義德施于人食報未副其量然又念君所難者科名而卒晚遇矣所乏者子嗣而兒生已周矣所樂者書史而四海九州之秘本

大內之所藏已目飽矣且使終于京師慮所以歸其櫬恩其遺孤者恐不能如畢公之周摯而恢宏然則天之所以報施善人似無知又似有知君秀眉方頤鬚飄飄然左右拂吟論意得潤步搖綵袍褶風生與人言曖曖姝姝若恐傷之雖臧獲無所凌薛遇文學人慄然意下敬若嚴師雖出已下者亦必推轂延譽使滿其意以故京師語曰自竹君先生死士無談處自魚門先生死士無走處竹君者君之座主朱學士筠也君學無所不窺經史子集天星地志蟲魚考据俱宣究而尤長于詩古文醇潔

有歐曾遺意所著周易知旨尚書今文釋義左傳翼疏禮記集  
釋名若干卷勉行齋文十卷叢園詩三十卷初娶蕭氏再娶汪  
氏俱先君亡先嗣子瀚後生子深女一人贈君葬地者松太巡  
道章公攀桂贈喪費者陝西巡撫畢公沅也列得附書銘曰

天與之氣春也玉與之情溫也不踐生草麟之仁也儀于虞廷  
鳳之文也秦誓休休一个臣也胡爲乎累其身客死于秦也不  
節之嗟嗚呼哉君也雖然更千百年士林下馬而刺棘不生者  
君之墳也

勉行堂詩集目錄

卷首

進 御詩七十八首

卷一

籬東集 古今體詩八十七首

卷二

春帆集 古今體詩七十首

卷三

索米集 古今體詩六十二首

卷四

刻楮集 古今體詩八十五首

卷五

白門春雨集 古今體詩七十九首

卷六

桂宦集 古今體詩六十二首

卷七

小金臺集上 古今體詩八十三首

卷八

小金臺集下 古今體詩六十七首

卷九

拜書亭藁 古今體詩八十五首

卷十

拜書亭後藁上 古今體詩八十八首

卷十一

拜書亭後集下 古今體詩七十三首

卷十二

涉江前集 古今體詩六十七首

卷十三

涉江後集 古今體詩九十二首

卷十四

日下初集 古今體詩四十三首

卷十五

日下二集 古今體詩三十九首

卷十六

寄藤集 古今體詩四十六首

卷十七

得酒集 古今體詩五十二首

卷十八

照檻集 古今體詩五十三首

卷十九

曰艾集 古今體詩六十首

卷二十

死青集 古今體詩七十首

卷二十一

南船小草 古今體詩一百首

卷二十二

吳楚之間集 古今體詩一百一十五首

卷二十三

楚豫之間集

古今體詩一百十一首

卷二十四

南曹暇穀

古今體詩九十八首

乾隆甲辰先君子應畢秋帆中丞約力安入關遂捐館舍  
所遺詩文諸稿蒙中丞留付削刪謹冀庫焉嗣中丞移節  
楚中稿遂散失瀚徧訪諸父執嚴道甫洪禪存孫淵如諸

先生處云曾在中丞幕中校閱歲事後未知散失何所瀚

乃蒐羅家存草稿僅得先君子手抄編年詩二十五卷古

文四卷迫瀚試牒於秦藏諸行篋嘉慶丁丑適鄧嶸筠先

生移守西安持以就正蒙首創捐廉謀梓又得費甌餘先

生助貲而鐫刻遂成校勘者爲吳庶香王雲門吳潤範王

薈村家韻篁諸先生伏念先君子讀書績學知名海內所

著詩文極富久爲當代宗工推重乃歿後三十餘年而片

羽一鱗始得傳世非畊鈞先生之扶輪大雅力闡幽光烏

能得此爰紀始末以誌銜感瀚復又蒐得詩六百餘首無

年月可考未能編入俟有續稿當別刊補遺以待諸先生  
論定也

男瀚謹識

勉行堂詩集卷首

古歛 程晉芳

聖駕三幸江浙詩

並序

臣聞道德太平之世其民出三入一怡怡于子而莫知所爲而王者猶慮遠近不同化幽隱不自得故巡狩以時舉

焉我

皇上自丁丑再幸江浙以來戡定回部拓地二萬里身熟縣度探湯市鐵之俗靡不稽類決踵歸服王化天人之眷至矣

嘉會之禮集矣我

聖母皇后於辛巳之冬屆七十萬壽

皇上展至孝錫無疆內外覃洽念江浙臣民望幸殷切省耕濬流有待指畫乃

詣三舉巡典

臣竊惟三歲一閏而天道小備五歲再閏而天

道大備今距丁丑之春歲閏五稔以豫以遊禮契乎古而

功在生民奚可以勿頌臣竊不自揆謹依古撰四言詩一

章凡二千三百六十六字以獻俾燕青徐揚之民知我

皇上弗逸弗康覃思勤恩之畧含仁謳風垂播于無極其詩曰

帝省南方壬午春月於兗于徐于江于浙

慈輦躬扶寶騎徐發六氣承輿千雲擁旛麗日暉暉祥風拂拂維  
此南民鼓舞怡悅景

聖欽

慈里瞻道謁時維

三巡歲則五閱

帝豈寧居仰我思結歲益以饑波那堤齋爰始水殊我慰我恤

澤加屢降典茂前轍配

聖生

慈寧穆穆

叶尊逾

一人疇衍七袞慶禮肇成

幸典斯作

叶赤緹叶候黃鐘載律聞闔閭開明殿戶洞達珠燭

麗屏金花耀闌錦翟領輝雲屏彩蔚玉佩繡綵仗鵠列

帝幸王公拜舞

鳳闕蘭催朝調啟

上瑤爵叶韶舞繁合鳴球擊戛

頒酺錫宴岱岱通賜復蘿辟被纓廟器奉

綺珍玉大幣賚及秬茀倅子罷學羽林施衛

叶櫪鼓侑賓文解

告獻

叶川梁陸約興葺圯廢

九垠六幕同蹈安吉蒸爲

卿雲流天華靄朗南輝

帝用斯卽祝嘏新年懽惠滂沛叶然然兆庶駘驛扶掌遙囁  
龍光休氣旁沃重光之春上瑞稱述二曜連景五緯繹屬叶星  
紀曜含若室比柳是維南野宜受

恩洽叶爲

曼壽徵兆

天子至叶

天子至止羽衛仡仡柴櫟景炎祠祀太乙職天戒車誦訓呼  
蹕宗伯典瑞掌節奉節施桂設桓置頓樹嚴土擁細旃馬駕方  
銓崔蓋襯紵葩璫盤屈瓊竿建旄扈帶垂綽千乘萬騎錚

鉤錯錯

帝曰俞哉毋馳毋跋江捲海漪有麥佛肸俾戎其戎伊告其祐

凡所經過免輸禾稈維此南疆包控吳越荆閩徐豫掌蹠  
指揭寒耕炎轉供賦弗竭厥產瑤琨厥包袖橘齒草羽毛  
惟金錫鐵財賦殷積文采勃鬱淮黃迅流防制衝汰矧彼  
海疆包絡空濶是用頻臨

指授縷切乃觀於河河流活活鳳船翠飈燕檣紅袂舊所底定  
鑪堤碣磧澹澹淮波濁淖用刷民無昏塾斂長稽斃乃觀  
於江浪息紛八千里萬里鏡淨雲潔乃觀於海石塘宛鍊  
曳曳施練盤盤走蜑長鯨巨鼇牙角嶒峽跋浪朝

皇輒騰激冽乃簡南兵勇士有偈載湯臼戚秉武黃越元戎侍  
車司馬齊伐爍耀朱旗輝映繡鞍鳴鼓震鍔隼集鳥逝叶

江有舟師海有樓筏鷺首羽翮鴻竽虹掣條來忽往洲隱  
嵒蔽叶層雨飛滂奔騰盪決紅洋銀島振動驚愕亦有降

王面日顛凸施其毳織服我裘韞天錫

皇帝神武烈烈昔歲疆圉準夷殄滅

帝用再巡慰我饑渴洎茲

三幸又服回紇橐爾回部輕狡悍黠介特碉墨馳驚獵猖  
旅聲罪犁掃庭穴其屬面縛渠魁殲截拓二萬里在古無  
均天地隅際日所出沒疇不享貢疇敢誕謫逼羅中山且  
末咄曷奇貝大賂蘇合迷迭敦圉狡猊軒翥青鶴各獻所  
有跋踵連袂叶祝

聖母嘏頌

天子哲叶廉從江界覩化洋溢屢舞屢竦臣服世世叶

行殿頒樂碑訇膠轡撫籥按鏘鼓柷控揭洞簫鉢鉦炙笙郁  
將雷琴珠瑟風澹雲遏神鷺來儀氣出精妙釣天廣春維

聖所制叶頗聞左轡編鐘近出鳴翼盛治襄補樂闋乃

命臣工考究密率酒演浮磬官懸始設以享

天祖吹萬舞八六變九變致鱗羽物以樂

聖母眷暉融晰和氣所曠顯微昭昧叶南民獲聽神志軒豁人無

疵厲物不夭折維南有山嶠巖峯嶺維南有水澗漱回沈

時維春中晦至寒歛林烟敷敷草綠前髮高下溪亭梅核  
宿梓長松丸丸文梓茂拔桃李載華秀萬舒柳鳴鶲在桑  
鶯乙嘲聒塘有罟杖鮑鱈微則荷芷青擢罿籠紫卉

帝用覽欣敷藻振筆疇昔所過廣利一一雲物煥爍清氣淳綿

龍書蝶篆儻軒蹈韻凡厥刹寺金牀組鉢凝禧祝釐灌壇贊佛

爰施金錢逮鯨賾弱叶爰資粟帛老耄耆耋爰降祀典賢

祠有位叶鼓鐘喤喤蕭瑟馝醇爰舉吏治六計糾察惟惠

惟勤最以棠茂爰取髦士綺翰霞札經術紛綸匪特雕磨  
皇帝之治熙天曜日冰谷無冰雪山無雪

皇帝之澤單中濡外叶爲霖爲雷稱蒞蒞  
皇帝之德化文崇質貲貲太和裨瀛灤括江海風俗繁艷嫋嫋  
自始迄今

明訓載讀叶諗爾毋華乃始汝蒞叶

行在供億盡內府實于爾民間罔累織悉爾當爾金爾春爾師  
爾蠶爾筐爾旛爾旛如木樸械乃卒不蠹叶如水澄源汲  
用綆繡寧爾室家熙爾氣類叶毋溢於盈饑保醇壹南土  
之民拜舞樂胥無偏無陂遵

帝仁術仰惟

皇祖六巡南裔

叶

皇帝繩武舊典是索叶豈惟六巡

澤乃罔訖

聖母萬齡松竹苞茂

叶

天子萬齡與天地秩姪茶綿亘斟酌元氣叶歲歲來茲觀我寧

謐時補時助匪邀匪逸爲萬世法永叶永勿替叶

聖駕南巡恭紀五言詩二百二十韻謹序

臣聞古之帝王以春風風人以夏雨雨人必躬臨而親布  
之斯天地順動皆以如其豫然經書所載協時同律修禮  
如器而外史莫得而詳焉

皇上法

祖勤民四幸江浙敦孝上農翕河奠海

恩澤所暨不可殫記千古未之有也竊謂宜載風詩述休美

傳示于來茲顧自問諶劣不足任揚扢之職然鷗蟀之鳴  
勿能轂也輒敬成五言詩一篇凡百二十韻以攄鄉里感  
激之忱其詞曰

上之三十年海寓治平久風恬俗大和韶石頻擊扣欣欣朱草  
榮躍躍白麟走以無迄無乖潛動愾樞紐顧惟

聖人懷未敢謂康阜將親循閭閻疾苦問黔首維南江與浙殷  
賑財賦敷其壤足膏腴其星貫牛斗河海所環淮民物號  
蕃障翼者疊

巡遊瀾浪教扞振于今越三春工役經營糾新畧維永圖舊  
規將驗取况聞邇吏告望

幸偏孺叟山川及草木待  
溼繁愁後下以慰蒸黎上以娛

聖母先時

詔大府儲侍領所有毋費民粟絲違則予汝咎燕趙齊魯區  
租減所經部供頓勿侈靡肆設勿繁糲時惟上元過燈市  
收霧采草漸萌纖纖寒欲盡九九敬奉

大安興祥烟紛颺颺葩璫嶽嶧嶢蝶旌翻動螺虎旅佩長弓龍驤

擐短褐

皇日戒呵蹕毋驚彼童婦將以達耳目豈僅蔽纊莊歎聲殷地  
起戶戶擁箕帚宿埃奉掃除名香交引渝自北屆東南聯  
袂接跟肘望見

翠華來載舞額加手

皇乃渡黃流奠鼓酌雙卣晴霞繞雲鋟鑿日開天都

皇乃涉大江嵐翠飛巖崿檣爲赤鳥迅舟見黃龍負維海趨浙

隅厥勢建瓴陡虹洞雜粉涒岸遭擊掊鄉俾增虹堤外  
鍵內鎖鉤茲來觀堤成編石壘文琇潮頭駕輕車白馬趨  
趕趣火輪恣淘沃雪島與浸瀼驅鶴蛟冠旒交雜糅  
勢侔鶴葢鷺音儼鯨鐘吼

天子曰俞哉工作嘉某某侯不廣築之邊幅擴喫處袤延四百  
丈腰膂束韁輒水行擬伏雌土德佐乘牡維河翕黃淮徐  
豫形參耦三分濟轉迺于義匪駢毋其勢虞汎溢比屋憂  
隘湫取清刷濁流脉絡辨綏絡又多爲引河別派散溝澗  
雲龍古名山懸約當水口多年議疏閉如痼起針炙迄茲  
底厥成善後策重剖樵農安于野土賈恬于牖茲事體最  
大永永垂不朽乃黜防群吏治績辨好醜乃諷采風俗寒  
暑孰咨惄乃校習大師行列紛騰驟羽葆鼓鏘鳴鼙弧旗

指嗾乃鍊水上軍戈獵陳繳留往來雖舊迅整嫋寓靜聊  
鴉鵠鶴鷺鷓鴣鮆鯉魴鱸鮋族舉有飛毛疊中必連鶻清暇  
爰

豫遊

雅藻披瓊玖記事續娜嬪垂文敵蝌蚪江村二三月烟澹籠  
風柳未耜起畦町桑麻映雞狗有峯秀嬾娟有水駛清劉  
綠箭筈承筐銀刀魚上笱攀林摘翠荑汲井澆紅藕花底  
喚鶯簫雨前擣茶臼

皇情軫餘悅色笑承

母后嫋嫋問安情鱗鱗賞春酒尙念此南民被澤知竟否積逋固  
已裕視地力齊醜全浙五年租丁竇借錢糧

特詔悉免旃諱復告官守實惠務沾濡群情益欣惲擎舟皆

健卒獨水輕夔鈞日給增羨錢宵餐飫陳酸彼花面雕題  
仡仡復赳赳新銜隨鷺班故迹掃颺夙險竿試繩索夷樂

和疊段

賚以繡滿筭

頌之酌盈鉢白頭兩尚書生幸遭逢偶居塾稱國老聯社得  
詩友乙科逮子孫官秩加組綬同時

錫予恩咸以篤故舊叶嶽嶽名臣祠牲炙薦芹茆岩巖勝國  
陵蕭炳敬燔燎赤仄徧貧流朱提逮胡蕡多士獻長楊作  
人咏蒸標鎖試授厥職慎擇匪輕苟憫彼輕罪囚赭衣荷  
杼狃維新布

德音華心毋習狃于時閏春仲遲景媚華闕  
恩波與俱延若露浥蘭草大哉

聖人德布澤成化誘至哉

聖人恩剔瑕去疵垢溯

初巡

再巡自辛未丁丑洎

三巡

四巡越壬午乙酉十五年

殊恩絡繹載簡節

曠典舉必周成例推逾厚陽和所敷布纖悉追螽蠶鷙眼化

慈鳩葱本變時韭潛鱗不損鯖苞竹不生筠何以答

慈衷士習除稂莠何以兆嘉祥農作長黍秔何以稔淳風民

物罕疾瘳何以覘

雅化屢井絕譟詣維

聖母萬年維

天子萬壽眼眼日月光藹藹松柏茂

叶歲歲此

巡方甘澍灑田畝

微臣

叨昇數幸不棄淺鰥名參薇省末門

對蘭臺右轉頭語鄉人

渥澤慚私受稱詩誠俚屑戴

德慕漸脩江海納細流官角取瓦缶聊補擊壤歌用備采軒

輶

聖駕巡幸天津恭紀

謹序

臣聞櫂歌之作始于王者宣布大化昭盛德也後世乃以

爲欸乃之音蓋未揆其本矣

皇上巡幸天津堤堰繕河淀疏錫羨虧釐蠲租賚帛民力不煩  
而利惠周洽峻功豐績匪筆舌所能形容伏念綱罟肇自

羲后豐年咏于炎帝皆功在津澤慶流粒食則水之農簡  
之畔其歌咏

上德爲尤易也竊不自揆構昧謹撰天津擢歌三十六章述草  
野之忱抒寫

聖治庶幾仰備采風彰曠代則焉其辭曰

觀河近甸

駐桑田刻玉今茲紀舜年爲卹民勞

詔疆吏大農先發水衡錢

津門河海環流處百脉羣來滙一支

天子繫曾經畫定更思

親鑒策攸宜

刻期不越二旬兼

渥澤須教滿甸南  
俞騎未行

恩已沛佃租齊免十之三

紫泉宮畔橘如月

玉輶南歸又幾程  
却對鏡湖懷淀水  
春波可似此澄明

水面經冰綠未殘  
每懷

定省念春寒便裁

御札馳宮使安福艤  
中間

大安

水圍姬隊儼雲飛  
翠羽登盤錦鯽肥  
認得

聖人春布澤不教絲網罟  
苦衣

衛河流逕南皮界北逕青澗遼縣西  
此是糧艘運行地

簡澄緣繞虹醍

三岔河原是衛河白河相與漾洪波唐時永濟名猶在

點新工艤

鳳艤

南皮城接北皮城錦艤中流自在行塍畔菜花黃似錦疏  
疏烟雨繪清明

中亭本不容多水南間須令敵閑防白足兒童栽宿麥紅  
裙婦女種桑桑

濁浪漳沱漢下游妻牙難覩得名由于今

宸翰親裁決數士惟應頌

大猷

縣簿文安足未經築橋猶自仰芳聲非關

天語頻垂辯責實循名在此行

九河故道久塵沙孔疏桑經各一家  
帝纘禹功諸水性不煩泥古說紛擎

水隊牽船別

賜錢一時歡舞拜船前豈惟買醉麻姑酒九盡衣裝又益綃  
一百五日行將盡燕尾梢風畫鶴開灣灣月子深深柳遙

映

繡旗出淀來

開河洩水區凡五聞引春潮潤稻田啟閉自來關

賓慮尚將時雨祝

仁天

海棠颺畔胭脂雪未到春深作意開此是閭閻歡喜色爭

先恐後覬

恩來

自塘口外水深深三月桃花漾碧潭鶴髮漁人思獻曝釣  
來雙鯉色拖金

拂波柔櫓唱楊枝野樂無文豈自知願得

天音付漁櫂編郎爭念早春詞

祇樹園林松栝老春風漸已及西沽晴波映徹海光寺遙  
見紅雲水面鋪

海神廟裏賽龍神神契

皇衷惠我民待整他時妙香火東西淀已築祠新

從來觀海難爲水浩蕩

宸襟實似之上得崇臺風日美朝

天聲蓋舞馮夷

大小直沽波濯綺雲帆葉葉影相銜越商趙客爭來往疏  
導寧知

帝所監

當年沽口石粼粼今見橋頭捕板新豆子豌邊看水色驚  
鶩飛起一雙銀

涼雨扳眉向水關夾河清浪接茅灣吳塘波色西湖景點  
綴何曾勝此間

減河王務堡兒港在昔堤身惜稍高此際增培十五丈衝  
波纏不礙平皋

格淀莊頭盡有堤一痕千里宛晴冤三灘里近帮長堰湛  
湛

新恩滿露畦

屯穀餘糧三四免

特教商榷緩輸將豈煩多士論鹽鐵自有

恩波共水長

神策營前虎鷹軍甘泉扈

蹕望如雲餐錢兩月加逾等努力行間策上勲

捷地諸河集淺夫罱泥挑盡鮮停汚水田自此成腴壤多

種禾麻少種蒲

醫官增額官除復曲赦圜扉俾革心士習經言民服教不

徒官府憲規箴

置

頗何曾用民力更令

內府

錫朱提白頭婦暨鮑紋叟黃禊金錢拜手攜

法

祖承

先著典型功如萬水注滄溟豐碑好紀

巡遊盛丁字治南歲值丁

春早櫻桃已着花青芹翠荻淺抽芽

翠華此去經

南苑留得春風徧天涯

鳳河上接圃河派淤塹源流與細推飛放泊邊停

玉輦

恩光自北又南來

一游一豫關民隱深願

重臨

惠邑閭想觀

慈顏說風景海演遙行

大安興

聖駕五巡江浙恭紀謹序

聖主勤民莫先於農事

巡方之典由重農設也是以省耕省歛補助于春秋地治則有慶田蕪則有讓察吏賢否唯是爲孜孜若乃登進俊良則亦農人之秀者爾于是濬川澗奠河海水安其性土得其宜津流沮洳經緯乎田畝百禮備百神洽昭慶

頒賚萬物熙熙登春臺以游而皆本之東作之興西成之告故五福先壽八政先食足食而後教民知本矣

天子有無疆之庥用敷錫厥庶民躋仁壽之城懷仁向化者遂其私歡欣鼓舞者暢其志安樂之音博太平之治洽矣我皇上敬

天法

祖單心宥密

神功大武卓邁古今而夙夜勤惓尤以民事爲先務田租普免

三布

殊恩安物阜民至治翔治今者

五巡江浙慰南民之望察臺吏之政觀河奠海養老恤刑蓋欲

民興孝弟家有恭藏

睿慮周詳靡違弗届而江浙之民興

鑿輿所過之地實光被其澤臣備員詞館職在採風竊不揣情

昧撰農歌四十章寫田家願慕之誠狀寰宇歡忻之景以  
志

盛典于萬一其詞曰

擊壤歌衢久樂天

聖君問俗省春田不勞民力勤

施惠免稅仍

頒置頓錢

十六年來望

幸心而今竚待

翠華臨汀花岸芷含忻喜葵藿均抒向日忱

近畿

殊澤喜先施拜馬前如拜

玉墀此際

天顏有深喜雪消凍解麥苗滋

翠麥芳菲繞涿州上游地勢接盧溝北河水盡安瀾汎緩

入春波瀛綠疇

蓮花泊畔柳初青指點瀛洲第一亭暫駐

六飛觀早稼鶴鳥翔舞下遙汀

安德澄流卽衛河從容

鳳闕此經過乘犁牽犢齊呼拜

聖澤眞如水湛波

已視兵農爲一體更憐商竈足勤勞加糧免稅

恩稠疊競戴

堯天

舜日高

百神河嶽盡懷柔東岱燔柴報有秋一片雲爲天下雨南  
畦北龍利鋤耰

始入江南第一程春風著物仰生成勾萌悉達子何驗豆  
莢芹芽聽賣聲

海岱連淮記古徐人安本業樂鄉居

脣懷於此尤深注要奠河流講剔疏

昨年儀考潰河防下及淮徐慮有妨  
駐蹕勤咨殊未已大田本不礙耕桑

號社湖光灌錦如

龍舟乘曉挂帆初農家適與漁家接罷種村頭看打魚

五壩年來頻啟閘正緣黃水灌淮波高家堰若金湯固淺

卷低圩長稻禾

忽聞馳報足歡聲豫省金堤已築成從此河流循正軌露  
桃花下餉春耕

天下繁華第一州竹西風物引清謳

皇情豈是耽遊賞唯問商農樂業不

尚儉懲奢仰

賡謨

仁風所及盡昭蘇帑金百萬教蠲免自來流根

惠澤敷

拔地康山本不高昔人於此著詩騷一經

聖藻留題咏雲樹愔愔沐

雨膏

平山堂下足園林城郭垂楊灑綠陰茅舍竹扉邀

賡賞信知黃風匣

堯心

金焦雨點翠微嵒浮玉亭亭海氣涵瓜步潮生迎

鳳舸早從江北望江南

詔下南徐大校兵陸刺犀象水驅鯨閒披襍襍嶺營陣不羨當  
年北府名

寄暢園臨惠水湄芳塍遙見阜

龍旗野人籬落春深景佛笑花邊叫畫眉

樓犁不減踏犁用水耨火耕吳俗宜家有農書重蠶事曬

禾場上曬新絲

寒山注螺烟靄晴沿山叱犢起春耕日脯入息朝來作秧

馬秧歌樂太平

千尺雪如萬壑奔分流灑遍杏花村靈巖一帶田肥美端  
賴東湖水有源

春分花事到梅林聚塢銅坑一徑深此際

鑾輿來蒞止看霏香雪展

宸襟

青巖矗矗水溶溶矮屋平臨百尺松種李種桃皆本業澤  
農何敢詣山農

水漾吳淞映碧空雲帆迤邐翠波中金盤薦筍登尊味深  
賞民間淡泊風

長水鶯湖脉絡通胥山一帶起田功荷花紫草鋪如錦遙  
映千林粉杏紅

西湖湖水最宜田接嶺依山得景妍生長湖邊戀湖景迎  
鑾跪向總宜船

孤山老樹拂層霄萬嶺新開石逕遙誦訓懷方導前路茶  
花黃徧段家橋

孰托名稱自詡神

特教毀像褫冠紳水仙祠畔燒香侶纔識司花面目真

龍井清泉湧地生繁花如送亦如迎焙茶香裏茶歌起又  
爲農歌助幾聲

聖懷殷念海塘工久矣波平不起風坦水

熟籌論丈尺安瀾千載奠鮫宮

大麥收餘小麥登原頭布穀喚頻仍野荼蕨放香風滿  
玉輦剛迴到秣陵

攝山樹色秦淮水依舊含烟帶雨青繁吏恤刑

數大教豈惟訪古問泉亭

大法小廉垂治久肯教僉驥立

熙朝野氓深感

皇仁洽去莠皆緣護秀苗

采芹已廣常時額獻賦親承

特擢恩更

賚金錢養耆老白頭人返綠雲村

西方佛子來祝

壽南極大星光燭天野人敬上無疆頌萬萬年皆大有年

每遇

巡遊澤必加

恩周海甸浩無涯請循壬午年間例間兩年仍盼

翠華

夏諺可微言距安幽風入畫景彌佳田家課雨量晴意

一皆經

聖主懷

勉行堂詩集卷一

古歎 程晉芳 魚門

籬東集

起乾隆壬戌盡丁卯

雜詩十三首

庭樹森以綠黃鳥多佳音春風四邊來吹香盈我襟感彼時運速嗟此年彌侵聊用自斟酌寄興在鳴琴

山泉多夜響孤月含餘輝泉響一何急寂聽參其微百年隙駒過愚哲同所歸歡娛易衰老況乃動多違

今日曲水側佳會恣追歡吳謳發逸響趙女多新彈落花席錦茵垂柳繁金鞍酒行鑿落盡散列琉璃盤賓從互醉醉爲樂未能殫曲盡煙水碧人歸山色寒繁華終寂寞感我發長歎

森森長淮水蕭蕭楓樹林清風振遠響寒鳥遺哀音極目曠蕭

餘秋氣感人心孤雲在空山白日隱遙岑沉吟竟誰訴嗚彼印  
中琴

吾希管幼安高步凌園綺孤光耀海濱清德化遼水當塗方秉  
令十召終不起咄哉子魚輩穢德枉青史文若信奇才亦復罹  
憂死

朝遊崑崙顛暮宿渤海陰海日逐我足天風吹我襟仙人紫霞  
翁羽衣駕元禽雲路忽相遇遺我神蹕琴試彈多逸響泠泠沁  
子心紛哉世中人此樂誰能尋

正平感鶴鵠茂先賦鶴鵠豈乏曠世識末路終摧凋知幾貲早  
決迷欲禍之招君看鶴鵠性一舉千雲霄

阮公棄禮法本以玩季世人物無臧否途窮慨涕疏狂復至  
慎聊用防灾戾羣偷昏不知相與宗元詣徐波蕩六代正道日

凋敝遂令論古者首罪無由貰取駿畧驥黃夫誰窺其際高  
詠懷篇清風信難繼

寒蟬鳴高柳炎暑忽已釋涼風天際來萬里麗空碧首時衆紅  
紫零落無餘迹噭噭雁叫霜唧唧蟲吟夕歲月易催人駐景無  
丹液浮名何所希徒使傷精魄

鄰人夜吹笛嘹喨發哀音感此思歸客棲其淚滿襟佳人渺千  
里有若辰與參春草空復綠秋蟲多苦吟團園庭際月長鑒別  
離心

孤蘭生空谷馨香祇自知移君玉階際冰此和風吹吐華競榮  
秀布葉含碧滋及時君不采零落徒生悲

蜉蝣飲朝露楚楚粲衣裳黃昏忽相逼委化隨元霜世途競繁  
艷得失亦相當不見金谷園餘跡空山岡

孟冬氣凜冽庭樹澹無色涼月懸幽光哀蛩停夜徵  
寐起立長太息別離忽已永年歲歲相過顧爲雲際鵠振發高  
飛翼

邊葦間所藏合璧硯余偶得之作長歌

端溪下嵒久著名就中最美稱水坑良工琢石如琢玉沐日浴  
月揚其英太空無雲蕩晴旭下有海水涵金精兩儀合度儼合  
璧五緯列宿韜光晶邊鬢錦囊貯此硯吳頭楚尾恒隨行多年  
珍好落吾手信有天意非人爭蒼蒼者烏踐者兔轉丸歲月無  
停征磨人墨汁磨墨硯使我終老勤耘耕斧形風字載常譜此  
硯一出逾瑤瑛質溫密栗綬紋理表靈發異玲瓏清曾聞龍鱗  
賜天府明良作輔承嘉榮放翁軍帳坐草檄撫時泐硯心太平  
今我清時一韋布寶此異物將安營刻鏤風露笑通倪攜持場

屋羞搶攘逝將移贈天祿史表忠燭佞司權衡卽今隨身獨南  
北山經地志閒商評眼中何從起翳障胥大願得長光明詩成  
閉筆一笑粲夕陽纔下金波橫

淮陰行

韓侯有祠廟乃在淮之濱行人下拜樹陰合日暮東風吹綠蘋  
憶昔兵通斜谷口決機百勝古無有區區楚漢豈足多一存一  
亡在反手武涉浮詞計已窮蒯生堅說終狂走時來但願作假  
王運盡終然戮功狗定陶軍雲夢澤奪兵權奪封國英誅彭醢  
以次及餌以區區一鄉邑吁嗟乎不反楚存反楚滅千古奇冤  
竟誰雪智能覆敵不全身應義蕭曹善偷活漢宮鶯鶯雉雌雉  
武士急縛怒嚼齒不聽通言今已矣當年市上徒忍耻不死少  
年死女子

演莊十首

山谷有演雅詩余讀南華偶有所會彷其意作演莊  
貌姑射之山神人實處此乘雲吸風露淖約若處子淡泊靡所  
營穀豐物不疵我來叩元機粲然啟玉齒金丹與寶籙世俗妄  
言耳如彼鯤鵬游水擊三千里如彼大瓠樽瓢浮江湖裏無爲  
棲一枝么麼工笑詆

宋人資章甫聊以適諸越乘置復何爲文身悉斷髮從來有用  
材所遇終易訥木雞健鬪爭腫樹免戕伐但得逍遙遊何須物  
于物

班固夢蝴蝶覺後蘧然周周蝶豈伊異厥端難可求夢中占夢  
者知吾實搜嗒然吾喪我外物誰能變

方諸高掛天緣水互燠委中有羽衣人餐霞鍊精隨龍耕瑤草

青鶴下芝田紫不復記春秋但記椿生死我願從之游乘化入  
無始手攬扶桑瞰足踐銀漢水悠悠八極中寧用辨我爾  
庖丁善解牛所志無不如方其鼓刀時目已全牛無豈惟養生  
主治化理不殊技經宥綮間豈復憂大鱗譟然易爲解乃在戒  
厥初五帝暨三王率與是道俱由來秉鈞者遊刃非無餘

軒轅乘六駄將適具茨山夫道裏城野七聖盡停驂遇彼牧馬  
童指塗靡所艱平生乘日車六合游盤爲問治天下鼎然如  
不聞去其害馬者馬乃悉自安善乎天師言再拜稽首還

秋水以時至百川灌長河河伯意欣然順流揚洪波望洋怨興  
歎自顧安足多至哉海若言小大非異科世人矜得失夔蛇互  
相嘉復如鳴得鼠向彼鳩鵠謗悠然濠梁間此樂誰曾過  
馬蹄踐霜雪毛可禦風寒敝草渴飲水蓋隨性所安伯樂怒相

廻撫視發長歎絡以朱絲纓帽以金銜環花紫分繡勒錦膊映  
雕鞍豈不駿且麗拘繁良已艱人生貴適意榮利安足貪吾將  
求象罔汗漫游雲端

呂梁壁萬仞懸潔數千尺被髮彼何人隨波互出沒咄哉痼癆  
夫承蜩獨無失工垂葢規矩物化心不極萬有貴祿游心忘乃  
能適如何學射人臨險自驚惑去去無足言室虛會生白  
木以惡自全鴈以暗致戮材與不材間何者堪託足大道一龍  
蛇虛舟隨所觸雕陵蟬鵲倚利害遞傾覆鳥見負赤徒悠然以

天屬

秋夕偶成

夜靜響易聞人稀月逾白微風稍生涼庭樹驚槭槭酒懷夙所  
憎詩思倏以積露點落衣滋蟲吟向秋宿秋聲尋聲外友恨彼闌

林隔何處度球鐘煩襟偶然釋

壬戌重九同華半江李蘋圃路直夫劉明揚弟述先放舟

過楊氏園林因至菰蒲曲登樓上石臺歸飲瓊芳軒作  
令節秋色霽和煦如春時良朋共招邀輕舟蕩漣漪生衣耐葦  
風柔柳驚鳴鶯適意躋定處汎泊隨所之開園悵幽尋曲徑緣  
逶迤簷簷聳修幹芙蓉媚清姿石磴轉欹側桂林復參差娛覽  
興未已林亦更探奇高臺一登眺目縱心神怡天空孤鳥逝浦  
杳千帆移遙村隱紅葉寒日下荒陂迴棹天景暮水氣涼絲絲  
林際素月上田間煙火微歸來坐荒齋剪燭傾尊輯古人屆茲  
辰大抵多嗟客霜鬢少陵感異鄉摩詰悲意愴景自促詎關物  
候衰今我四五人歡謌盡忘疲佳會誠厚幸後遊更難期折楊  
用先唱尚繼璫瑰詞







月忍把清光照碧陰

瀟瀟微雨泣胭脂露葉煙條總不支可是爭妍偏訥早何妨禁  
冷獨開遲託身合共神仙侶掃地誰憐玉雪姿猶有幾多芳意  
在已殘恰似半開時

幾回欲折轉生憐誰料飄英在眼前水佩風襟銷綺夢酒旗歌  
板惜塵緣愁生劍外千山道恨滿江南四月天無限芳春難買  
住紫榆空散沈郎錢

枝頭切莫鬪身輕一墮風塵誤此生縱是飄香無遠近可能落  
地更分明人間粉黛歸黃土天上神仙遠玉京解爲穠華詣幽  
恨長塘湖畔有啼鶯

送袁明府存齋之任江寧二首

桃葉渡頭春水明清涼山下月華生使君手板橫腰處綠竹叢

中記姓名

山如眉掃水操藍六代遺踪近可採消得詩篇供得恨人生只  
合住江南

送儲茗坡李芋圃公車二首

尊前休唱古陽關此去佳朋共拂鞍失路未妨偏是我同寮還  
願好爲官白溝霜重聯鑣度瓊島雲深接袂看湖海有人頻悵  
望苦吟樓上夕風寒

幾年清夢到神京惆悵還成送客行齒壯未甘言薄命才疏不  
敢怨司衡深宵芸省同看月夜雨蘿窗獨聽更從此相思寄何  
許春花撩亂繞丹城

甲子仲冬歸自維揚舟抵泊水夜爲河冰所阻次日由陸

路抵家作

北風利於刀斷水水成石淨搊夜有聲怒若翻蠅戰我船脆弱  
明敢與石爭力側聞鄰舟號板折冰已積長年慘不發童僕色  
於悒停橈向斷岸沙月照人白岸頭幾人家破屋互欹側時聞  
野犬吠靜聽謙鼓迫須與夜霜重衾鐵冷逾邇鄉關百餘里渺  
若楚燕隔輾轉不得眠荒雞鳴已劇凌晨趨登岸風沙莽相射  
蹴躡蹇蹠瘦伊軋筭與窄兩崖試騁望寒意更蕭索枯樹無餘  
枝鴉鳥時格磔層冰如排山拔起勢劣劙小者亦玲瓏依空作  
奇特我時衣重裘肌粟慄難敵念彼袒褐人何以度朝夕薄暮  
抵室廬呼酒亟行炙家人相慰問辛苦此行役生平壯往志豈  
以寒暑易顧念六月中觸熱向南國水氣盛鬱蒸蚊蟲恣嗜齧  
杪秋困痔瘡匝月臥床席歸來打頓魂如鳥鑠六翮炎燠氣屢  
更往來心倍惻將無天公意勞勸世所歷艱窘如弗異方寸詎

能激敢蒙垂堂戒燕術事家食感觸良已深筋力非所惜舉觴  
聊自慰一笑脫冠幘

哭子六首

乾隆十年八月五日男升慶殤生三歲矣兒生有異質  
遽爾夭謝情之所感不能自禁得詩六章以寫哀悼

三年染愛頓成空月苦霜妻泣桂叢薄命難招犀角子半愁真  
似白頭翁倉皇被玉驚塵刦端正騎羊愴夢中石闕銜悲寸腸  
斷難將深恨問蒼穹

剪水雙眸玉雪清石麟湖汝振家聲千尋玉樹吹還折一錯黃  
金鑄不成空剩文通悲下壤可能叔子記前生幾回誤聽風鈴  
響猶似中庭拍手迎

似解之無夙性奇每看卷帙競擣持子雲空抱元經慟陶令難

裁責子詩太上忘情非我輩讀書真種望佳兒生光入室何須  
羨未得看他上學時

抱送無煩苦夢頑泡漚彈指本非真充間慶集團圓面刺骨悲  
盈子子身出入更誰承笑語琴書終遺付何人千秋亭畔闌干  
淚地老天荒恨轉新

英物人間未易留絲雲飛盡水東流清標豈是景升大酷愛甘  
爲孺子牛聰穎原難到卿相辛勤猶望繼弓裘百年方寸無多  
地底事堆來萬斛愁

變現空花優休異招魂應只在慈藍王珉已分爲生父庾信何  
當失長男長命縷絲身漫繫通天犀角首虛參束柴我亦經旬  
病俯仰情懷總不堪

斷句

草草赴歸程迢迢數征驛一夜風水聲滿船霜月白

楊柳詞四首

一樹柔條萬萬絲拖烟蘸水影參差靈和殿裏千花暖偏受東  
風著意吹

清憐羌管韻憐鶯不是東風不繫情記向紅泥亭子見一枝低

亞板橋橫

興慶池連太液池柔絲婀娜拂連漪曾經玉手和煙未許行  
人折一枝

澹煙疎雨古揚州鴉自飛鳴水自流試傍隋宮問消息殘枝無  
語只低頭

秋柳

水紋雲葉共蕭疏斜傍寒塘恨有餘鶯語不聞簫響絕曉風如

柳月如梳

邢江紅樹

紅葉西山路從來惱客腸相逢正秋色何處不斜陽雁度曉沈  
月猿啼夜有霜蕭條同鬢髮空感素絲長

高沙晚泊

暝色荒村外孤篷客思侵涼雲歸別浦初月澹高林望火知遙  
岸聞歌隔近薄別家纔幾日已耽飲歸心

冬日雜詩四首

辟寒香熟篆煙繁擁褐依爐嬾出行薄暮鴉鳴風摶勁開牕雪  
霽月微明人閒易得離羣恨歲晚難爲晏坐情預想春來差自  
慰柳溪桃陌聽啼鶯

疏嬾何堪涉世途天寒一榻守精廬有名不入貨殖傳抵死莫

修宰相書經夜史欣探討後酒香茶碧醉醒餘洞庭波杳湘雲  
冷短楫輕蓑信所如

故人書訊近何爲稍喜殘冬百事宜梅院坐看三日雪松牕閒  
勘一年詩未除藥餌防多病時對楸枰理敗碁惝恍昔遊漸不  
妄幾回清夢到天涯

礮雞炊黍歲云徂逝水年光不可呼劣響怕聽新爆竹衰顏堪  
惜舊桃符射雕紫塞謠身手搖筆金闕繁玉珠壯志未除青瑩  
在一燈空對北風圖

秋感

秋士易爲感非關秋氣悲月明蟲響夕風急雁來時欹枕不成  
寐搔頭有所思自然雙淚落不待怨節吹

早鶯

正月行將盡芳林晚一聲柳派肩際翠花欲樹頭明羽弱音  
遠風欹調不成文膴有思婦鴛枕夢先驚

南園探梅二首

東風吹綠古溪津問訊梅花蠟屐頻短棹破煙驚宿鳥小門封  
雪待遊人橫枝側榦橋亭暗峭石荒泉面目眞漠漠疏籬巡繞  
徧凍苞猶自淺含春

臥柳欹槐一徑偏千林初放半梢妍眼明鶴步閑停處香動苔  
痕未掃邊人與花枝均老態春回湖墅又經年溪頭漸上含霜  
月流照歸途蕩夕船

韓使君位中餉月餅以詩報謝

天圍九重卑者月體雖近地彌高寒瓊樓玉宇跡惝恍誰令宵  
像供珍餐江南秋中重餅餌蘇湖食肆工控搏鏤冰沃雪小圓

鏡鵝酥細糲輕於紈貧家辛苦度節候一飯往往憂心博午時  
角粽歲除酒與餅一例同艱難豈如富人矜好事餽遺但作時  
新看使君棄官類擲塊日持茗椀吟幽蘭食單時復餉親故物  
微自足徵古權此餅精良出家製椒橙內實塗朱丹鵝夷榼子  
走贈我上有綠桂垂團圓清光在握掃羣獨竟日咀噍白玉盤  
豈同畫指救奇餕頓覺飴渴生微瀾長謠鼓腹對澄宇明星如  
粟橫闌干

夜夢袁存齋是日存齋書至因作詩寄之

昨夜夢尋君迢迢渡江水官舍月微明握手花陰裏各言長相  
思餘論及文體覺未難未鳴殘燈美餘憇是日南使來果得書  
一紙乃知精神合魂魄已潛擬之子抱天懷陔睡落珠珥作吏  
非所難苦滯百寮底况是絳宵人何堪久塵滓讀書結初願有

田誓歸矣而我子然身百憂浩所委惟君憐我深義與殷顏比  
別易見面稀得書時復喜大江多風濤舟楫慎所使嘲歎百鳥  
羣乘春競人耳孤禽獨不鳴高樹適棲止感物思遠人觀時悟  
生理庶幾各自安黽勉固終始

憶文順如

嬌癡八歲女婉嫋掌中珠母病知垂泣余憐輒挽猶學人調粉  
膩弄筆事鴉塗此夜深闌月還應憶遠無

感興

驥驥日千里不爲飽芻棄胎禽入樊籠有翼安可矯春花方灼  
灼秋日已杲杲白露委紅蘭清風凋綠草壯年愁裏過志士聞  
中老誰爲製金丹長使朱顏好

桐花

桐華載月令古以占天時結體本孤特散采復歲蕤清芬侵曉  
閣秀色漾芳池有鳥得鳳名五色羽翼披雙棲向花間和鳴如  
簫箏質奇感亦異凡禽不敢窺我欲屏桃李移栽近前墀好傍  
乳蕉紅映照讀書帷

桐葉

何樹葉不凋惟桐先撇肩心孤易爲感復此迎涼節高空鴻響  
哀斷砌蛩音切奄冉下高枝閑膾助蕭瑟妻妻金井霜澹澹銅  
墀月殘綠點蒼苔飄黃委林樾羈臣十年逐思婦三秋別對此  
意淒其沈吟向誰說

吏部石歌

家洴江伯父序云客有游鄖陽竹溪者拾片石歸上有  
人岸巾曳服坐於欹瓮之側儼若醉態因名之曰吏部

石蓋取似於畢卓盜飲狀也因作歌識之

石色淺碧徑寸圓上有人影疑酒仙岸巾側坐古龕邊彷彿沈醉口流涎形雖潦倒意則便自以畢卓僉曰然我思古酒人雖死其神全在上爲列星在下爲甘泉竭來片石豈異是幻化自足留眞詮嗟峨鄖陽山竹溪流潺湲何人艤棹得此石摩娑絕勝珠與瑣昔人嗜酒不在酒要以誕慢完其天署官但可作校尉製頑直欲通幽元後來吏部更疏曠盜飲被執甘拘纏甕頭傾倒不足顧壁蟹更誦離騷篇當時惜少道子筆狂態好借丹青傳宛然撫此結遐想對飲一斗西牕眠

和家洴江伯父彈指閣老樹爲風雨所拔用少陵柟樹韻婆娑老樹佛閣前疏枝蠹葉不記年曉映明河挂珠斗夜承墜露棲幽蟬亦秋七月風雨至大塊吹噓紛怒氣拔地還疑鬼神

力掃空已斷雲煙意憶昔遊人爭賞愛青青密蔭圓如蓋空餘  
古砌淨流塵無復清飈送高籟老僧禪懷少荆棘小刦無爲感

中臆欲識根株生滅緣舉頭華月澄秋色

秦郵曲五首

妾家竹橋西桃花紅二里妬他雙蛱蝶飛飛宿煙蕊

前臨大河曲後倚澄湖濶爲愛湖光好閑來坐掃肩

昨夜月初圓郎船掠波去自言今日歸不向揚州住

郎心似荷珠欲圓翻蕩漾妾是青桐枝影定荀苔上

水駛夕陽紅秋船蕩澄綠唱得竹枝歌牽牛花畔宿

自儀真返廣陵作

煙外荒鐘聲際燈遠山稠疊墨雲騰孤舟竟夜寒衾擁急雨斜

風過廣陵

邦上遇彭湘南贈別三首

客路誰相問蕭然獨寄居江空紅葉冷寺僻夜鐘疏破屋秋多  
雨齋厨飯少蔬青衫吾有淚祇爲爾沾襟

衣典仍貯酒囊空更輯詩世惟工畫肉君已笑爲蠟月白翔鴻  
影霜清采橘枝衡湘歸去好拈筆咏江離

波綠前裙水深觴祓禊遊花飛人惜別墮語樹驚秋苑寂寒堪  
憫楊朱涕莫收榮枯知有定不用賦登樓

冬日同楊鑑堂陳範存弟述先寬夫集尊江兄吟暉樓聽

小年上人彈琴作

寒梅澹幽姿蠟燭凝新香茲辰良復佳清風拂欄堂禪客饒遠  
韻詩流無俗腸肯爲下士交結契在羲皇几席淨纓摩香鼎燉  
奇光善手撫明徽音思靜以莊澄魄曠古澗流雲被紫闌吾兄

輶塵姿林藪閨珪璋闢茲求羊徑六逸紛翔秋水遠至理馬  
蹄習風霜阿牛願先驅敢以下策嘗咫尺眺園林榆柳鬱成行  
待彼卉木滋春波庶同航